


Von Italia.

cclij

Genealogy der Herzogen zu Meyland.



Der leest namhafftig Vinzgraue hat Theobaldus geheissen / der gebar Mattheum / Mattheus gebar Galeatium vñ Stephanum. Galeatius gebar Actium Galeatium / vñ do blib die liny ston. Man list von disem Actio / do er auff ein zeit zu feld lag im läger / vñ hec den helm ab seine haupt gethan / vñ wolt in über ein weil wider auff setzen / hat sich ein schlang darein gelegt / vñ do er in auff dz haupt hat gesetzt / troch die schlang auß de helm über sein angesicht on allen schaden / vñ do hâr kompt es / das die Herzogen von Meyland ein schlang im wapen füren. Weiter Stephan gebar Galeacium / vñ Galeacius Johannem Galeacium. Diser Johannes gebar Philippum mariam / Johannem Mariam / vñ ein tochter Valentiam / die nam künig Ludwig von Franckreich zu der ee / deren halb hernach so grosse krieg erstanden seind in Meyland / wie ich bald anzeigen wil. Philippus maria ließ hinder im ein vñ eeliche tochter mit namen Blancam / die nam zu der ee Franciscus Sfortia. Diser Franciscus hatt ein vatter mit namē A-



rendulus / der was geboren von einem vnachtbaren geschlecht / vñ was zum ersten im kriegsläger ein kuchenknecht / darnach ward er ein weidlicher kriegsmann / vmb seiner männlichen thaten halb ward er genant Sfortia / dz ist / stark. Weiter ward auß einem küschknecht ein gewaltiger reyssiger / vñ zülest ein oberster feldhauptman. Er stete auch seinen sun an / das er also geübet ward / das er in kriegshändlen übertraff den vatter / vñnd also groß thaten volbracht / das Philippus maria sein einigne tochter (doch vñeulich geboren dann sein ee frauw / des Grauen von Sophoy tochter was vnfruchtbar) im zür ee gab. Diser Philippus maria starb im jar Christi 1047. Weiter gebar Franciscus Sfortia Ludouicum / Galeacium / Philippum / etc. Vñd starb im jar 1404. Do ward Galeacius Herzog gemahet / aber er lebe also üppig / das in seine vnderthanen erschlügen / vñ namen an seinen büder Ludouicum Sfortiam / den macht Maximilianus Herzogen zu Meyland / das doch sein vatter Keyser Friderich nie thun wolt / dann er sprach es were Meyland ein Kammer des Römischen Reichs. Es hat Galeacius ein tochter mit namen Blanca maria / die nam künig Maximilianus zu der ee im jar 1494. aber ehe sie hochzeit hielten / kam jr vatter vñb wie gemelt ist / vñ ward Ludwig von Maximiliano in das Herzogthumb gesetzt. Nun merck weiter / als im jar 1447. Philippus Maria gestarb / strebten vier Herzen nach dem Herzogthumb. Keyser Friderich sprach es were im zu gefallen. Aber Alfonso Künig in Apulia / der ein erb was gesetzt vom Philippo / wolt es als ein erb haben. Dargegen stünd Herzog Carlen von Diliens / der wandt für / das er seiner müter halb vñnd der Vinzgraunen geschlecht were. Aber Franciscus Sfortia sprach / er het des leest abge-

D ij forbmen

